



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-194-4/25**
Datum: **06.10.2025. godine**

«Agencija za vodno područje rijeke Save» Sarajevo rješavajući po zahtjevu pravnog lica JKP «RADNIK» d.o.o. Zavidovići za donošenje rješenja o vodnoj dozvoli za privremeno ispuštanje komunalnih otpadnih voda u prirodni recipijent iz urbanog područja grada Zavidovići, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Daje se vodna dozvola JKP «RADNIK» d.o.o. Zavidovići za privremeno ispuštanje komunalnih otpadnih voda iz urbanog područja grada Zavidovići, putem javnog kanalizacionog sistema u prirodni recipijent – rijeka Bosna. Ova dozvola se odnosi na sljedeće identificirane privremene ispuste u nadležnosti podnosioca zahtjeva:

RB ispusta	Promjer ispusta (mm)	X koordinata	Y koordinata
1	300	6510899,560	4919979,921
2	500	6510884,530	4921146,468
3	800	6511416,058	4921393,090
4	300	6511483,273	4921452,216
5	500	6511565,264	4921515,784
6	400	6511585,004	4921531,577
7	350	6511613,034	4921560,307
8	800	6511626,860	4921572,427
9	400	6511684,590	4921616,339
10	1000	6511725,967	4921651,408
11	500	6511728,696	4921653,624
12	1000	6511786,085	4921685,478
13	350	6511849,147	4921736,175
14	1800/1200	6511958,448	4921811,972
15	500	6511994,521	4921823,225
16	1300	6512175,129	4921919,669
17	500	6512207,046	4921931,755
18	200	6512272,364	4921949,801
19	800	6511570,709	4921640,117
20	300	6512430,318	4922105,804
21	600	6512903,228	4922468,977
22	300	6512103,197	4921883,871
23	300	6512043,656	4921848,173
24	200	6512679,593	4922153,183
25	300	6511514,120	4921480,318
26	400	6512290,926	4921955,761
27	500	6512150,486	4922010,489

28	200	6512660,835	4922139,977
29	500	6512591,799	4922190,631
30	300	6511790,825	4921791,801
31	600	6511847,229	4921829,947
32	300	6512798,839	4922478,509
33	350	6512734,461	4922355,854

2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokalitetima ispusta i uz sljedeće uslove:
- 2.1. Da se objekti koji čine javni kanalizacioni sistem grada Zavidovići održavaju u ispravnom i funkcionalnom stanju u skladu sa njihovom namjenom i ovim Rješenjem a prema Odluci o vodovodu i kanalizaciji usvojenoj na sjednici Općinskog vijeća Zavidovići održanoj dana 30.12.2014. godine («Službeni glasnik Općine Zavidovići», broj 9/2014).
 - 2.2. Da se permanentno radi na razdvajanju postojećeg mješovitog sistema odvodnje otpadnih voda u skladu sa projektnom dokumentacijom, te da se prilikom izgradnje nove kanalizacione mreže projektuje i izvodi isključivo separatan sistem odvodnje.
 - 2.3. Da se redovno vrši snimanje, izrada katastra kanalizacionog sistema i kontrola stanja postojeće kanalizacione mreže. Ukoliko postoje ili se na bilo koji način na terenu uoče nekontrolisani pojedinačni ispusti fekalnih otpadnih voda u prirodne vodotoke, iste registrovati i što hitnije poduzeti aktivnosti da se isti priključe na postojeće gradske kolektore.
 - 2.4. Da se vodi evidencija svih septičkih jama kao i drugih individualnih postrojenja za prečišćavanje otpadnih voda u području svoje nadležnosti, te da se vode stalne aktivnosti na eliminaciji septičkih jama i upojnih bunara, odnosno da se, gdje god je to tehnički izvodljivo, vrši priključenje objekata na kanalizacionu mrežu.
 - 2.5. Da se obezbijedi nesmetan pristup i redovno vrši održavanje obala i korita rijeke Bosne na mjestima ispusta iz glavnih gradskih kolektora.
 - 2.6. Da se, od korisnika prilikom izdavanja odobrenja za priključak na gradsku kanalizacionu mrežu, zahtjeva da kvalitet otpadnih voda koje se ispuštaju u javnu kanalizacionu mrežu bude u skladu sa odredbama Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 2.7. Odobrenje za priključak na kanalizacioni sistem treba da sadrži sve podatke i uslove propisane članom 28. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22) i odredbama Uredbe o uslovima ispuštanja otpadnih voda u okoliš i sisteme javne kanalizacije.
 - 2.8. Da se, za vrijeme trajanja ove dozvole, vrši monitoring otpadnih voda na ispustima glavnih gradskih kolektora definisanih kao ispust broj 12, 20 i 33 u tabeli iz tačke 1. dispozitiva ovog Rješenja. Monitoring vršiti u skladu sa članom 25. stav (2) Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostavi Agenciji u skladu sa članom 23. iste Uredbe. Do izgradnje odgovarajućeg postrojenja za tretman otpadnih voda ne zahtijevaju se propisani efekti redukcije, odnosno dostizanje graničnih vrijednosti emisije.
Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
3. Vlasnik, odnosno korisnik objekata je, u skladu sa Zakonom o vodama i Pravilnikom o načinu obračunavanja, postupku i rokovima za obračunavanje, plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), obavezan voditi propisane evidencije te nadležnim organima dostavljati propisane obrasce (Obrazac EBS) uz redovno dostavljanje obrasca IV – Mjesečni izvještaj o količini isporučene vode i obračunu EBS-a te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada za zaštitu voda.
4. Ispuštanje otpadnih voda u rijeku Bosnu ne smije ugrožavati postojeći hemijski i ekološki status recipijenta.

5. Lokacija planiranog postrojenja za prečišćavanje urbanih otpadnih voda mora se rezervisati kroz prostorno – plansku dokumentaciju grada Zavidovići i spriječiti promjenu namjene ovog prostora.
6. U slučaju vanrednih situacija, havarijskih onečišćenja i drugih sličnih okolnosti, čime bi bio ugrožen kvalitet, obavezno izvjestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprječavanju širenja onečišćenja i na otklanjanju uzroka onečišćenja.
7. U periodu važenja ove dozvole, Korisnik je dužan provoditi sve mjere i aktivnosti propisane istom.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima kanalizacionog sistema i mjestima ispusta obuhvaćenih ovom vodnom dozvolom, korisnik zaštitnih vodnih objekata nije odgovoran za nastale štete.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. U ovoj upravnoj stvari plaćene su sve upravne pristojbe.
11. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
12. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
13. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Od strane pravnog lica, JKP «RADNIK» d.o.o. Zavidovići, dana 05.05.2025. godine podnesen je ovoj Agenciji zahtjev za izdavanje vodne dozvole za privremeno ispuštanje komunalnih otpadnih voda iz urbanog područja grada Zavidovići, putem javnog kanalizacionog sistema u prirodni recipijent – rijeka Bosna.

U provedenom postupku, uz zahtjev za izdavanje vodne dozvole dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra broj: 043-0-RegZ-25-000769 izdatog dana 12.03.2025. godine od strane Općinskog suda u Zenici,
- Ovjerena kopija Uvjerenja o poreznoj registraciji izdatog dana 07.02.2011. godine od strane Porezne uprave – Kantonalni ured Zenica,
- Kopija Odluke o vodovodu i kanalizaciji broj: 01-23-3683/14 donesene dana 30.12.2014. godine od strane Općinskog vijeća Zavidovići,
- Situativni prikaz mjesta ispusta,
- Ovjerena kopija Izjave broj: 681-296-03/25 o broju korisnika priključenih na kanalizacioni sistem potpisana dana 14.04.2025. godine od strane direktora JKP «RADNIK» d.o.o. Zavidovići,
- Kopija Rješenja o vodnoj dozvoli broj: UP-I/25-3-40-085-4/20 izdatog dana 01.06.2020. godine od strane «Agencije za vodno područje rijeke Save» Sarajevo,
- Kopija Izvještaja o monitoringu kvaliteta i kvantiteta komunalnih otpadnih voda za JKP «RADNIK» d.o.o. Zavidovići broj: 1973/24, septembar 2024. godine urađen od strane «Inspekt RGH» d.o.o. Sarajevo,
- Kopija Operativnog plana za incidentna zagađenja za objekat kanalizacione mreže Zavidovići broj: 736-166-PE-01/25 od 23.04.2025. godine,
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnih privremenih ispusta komunalnih otpadnih voda u prirodni recipijent - rijeka Bosna u gradu Zavidovići i tom prilikom je sačinjen Zapisnik o uviđaju broj: UP-1/21-3-40-194-3/25 od 23.09.2025. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Sistem kanalizacije na području Grada Zavidovići izgrađen je kao mješoviti sistem sa ukupno 33 evidentirana ispusta otpadnih voda u rijeku Bosnu. Od strane podnosioca zahtjeva su registrirani privremeni ispusti u rijeku Bosnu za koje je prilikom analize stanja odvodnje otpadnih voda sa urbanog područja grada Zavidovići, ocijenjeno da su značajni a navedeni su u tački br. 1. ovog Rješenja. Ukupan broj priključaka na javni kanalizacioni sistem je 3450 (stambeni i poslovni objekti).

Prema izjavi predstavnika podnosioca zahtjeva, nije bilo promjena na predmetnom kanalizacionom sistemu od izvršenog uviđaja na terenu u postupku izdavanja prethodno izdate vodne dozvole.

Monitoring otpadnih voda se vrši redovno od strane «Inspekt RGH» d.o.o. Sarajevo. U skladu sa ranije izdatom vodnom dozvolom, redovno se vrši monitoring recipijenta – rijeka Bosna na tri mjesta ispusta glavnih kolektora evidentirana kao ispusti broj 12, 20 i 33 u tabeli iz tačke 1. dispozitiva ovog Rješenja (dostavljen izvještaj iz decembra 2024. godine).

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu dostavljene dokumentacije i uviđaja izvršenog na predmetnim lokacijama ispusta otpadnih voda u prirodni recipijent a u svrhu smanjenja negativnih uticaja predmetnih aktivnosti na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi u skladu sa odredbama člana 115. do člana 118. Zakona o vodama, člana 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka, konstatuje se da je podnosilac zahtjeva JKP «RADNIK» d.o.o. Zavidovići, ispunio minimum uslova za dobivanje vodne dozvole za privremeno ispuštanje komunalnih otpadnih voda iz urbanog područja grada Zavidovići, putem javnog kanalizacionog sistema, u prirodni recipijent, te je riješeno kao u dispozitivu ovog Rješenja.

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodnom zemljištu («Službene novine Federacije BiH», broj 71/09 i 102/18) utvrđene su obaveze u tački 6. dispozitiva ovog Rješenja.

Podnosilac zahtjeva je uplatio i posebne troškove shodno Zaključku ove Agencije broj: UP-1/21-3-40-194-2/25 od 25.07.2025. godine.

Podnosilac zahtjeva je uplatio upravnu u iznosu od 70 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od 15 dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.inž.građ.

Po ovlaštenju

Rukovodilac Sektora za izdavanje vodnih akata



Nihad Pezo, dipl.inž.građ.

Dostaviti:

- JKP «RADNIK» d.o.o. Zavidovići
ul Podubravlje br 3, 72220 Zavidovići
- AVP Sava, ISV – Vodna knjiga
- Sektor 50
- Sektor 40 - arhiva
- Oglasna ploča - AVP Sava